

ხელშეკრულება სახელმწიფო შესყიდვის შესახებ #181

(კონსოლიდირებული ტენდერი CON180000105)

ქ. თბილისი

24 ივლისი 2019 წელი

ერთი მხრივ - შპს „ქ. ბათუმის რესპუბლიკური კლინიკური საავადმყოფო“ (შემდგომში - „შემსყიდველი“), წარმოდგენილი დირექტორის მალხაზ ხალვაშის სახით და მეორე მხრივ, შპს „თეგეტა მოტორსი“ (შემდგომში - „მიმწოდებელი“), წარმოდგენილი გენერალური დირექტორის ავთანდილ წერეთლის სახით, ორივე ერთად წოდებული, როგორც „მხარეები“, ვმოქმედებთ „სახელმწიფო შესყიდვების შესახებ“ საქართველოს კანონის 202 მუხლის, 2019 წლის განმავლობაში სატრანსპორტო საშუალებების აკუმულატორების კონსოლიდირებული ტენდერის სატენდერო დოკუმენტაციის, სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული კონსოლიდირებული ტენდერის ჩატარების წესისა და პირობების, „2019 წლის განმავლობაში სატრანსპორტო საშუალებების აკუმულატორების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2018 წლის 04 დეკემბრის №2305 განკარგულებისა და საქართველოში მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.1.2. „ხელშეკრულების ღირებულება“ ნიშნავსაერთოთანხას, რომელიცუნდაგადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების შესრულებისათვის;
- 1.1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც შეისყიდის საქონელს;
- 1.1.4. „მიმწოდებელი“ ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს;
- 1.1.6. „სამუშაო დღე“ ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა;
- 1.1.7. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე;
- 1.1.8. სატენდერო დოკუმენტაცია-2019 წლის განმავლობაში სატრანსპორტო საშუალებების აკუმულატორების სახელმწიფო შესყიდვის კონსოლიდირებული ტენდერის (CON180000105) სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს;
- 1.1.9. „საქონელი“ - ხელშეკრულების მე-2 მუხლით გათვალისწინებული შესყიდვის ობიექტი.

2. ხელშეკრულების საგანი

2.1. ხელშეკრულების საგანს წარმოადგენს წინამდებარე ხელშეკრულების დანართი №1-ით განსაზღვრული სატრანსპორტო საშუალებების აკუმულატორების (შემდგომში - აკუმულატორები) (CPV - 31400000) შესყიდვა თანამდები მომსახურებით (დემონტაჟი-მონტაჟი), რომლებიც აკმაყოფილებენ კონსოლიდირებული ტენდერის (CON180000105) სატენდერო დოკუმენტაციის ტექნიკურ მარკვინებებს. ინფორმაცია შესყიდვის ობიექტის დასახელების, ტექნიკური მახასიათებლების, რაოდენობისა და ერთეულის ღირებულების შესახებ განისაზღვრება დანართი №1-ით.

3. სახელშეკრულებო ღირებულება

3.1. ხელშეკრულების საერთო ღირებულებაა (შემდგომში „სახელშეკრულებო ღირებულება“) **152.00** (ასორმოცდათორმეტი ლარი და 00 თეთრი) ლარი.

3.2. სახელშეკრულებო ღირებულება მოიცავს საქართველოს კანონმდებლობით დადგენილ ყველაგადასახადს.

4. მხარეთა ვალდებულებები

4.1. მიმწოდებელი ვალდებულია:

- 4.1.1. უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულებითა და სატენდერო დოკუმენტაციით დადგენილი პირობების შესაბამისად;
- 4.1.2. განიხილოს შემსყიდველის პრეტენზიები და მიაწოდოს პასუხი ყველასაკითხზე;
- 4.1.3. ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით ან ელექტრონული ფოსტის მეშვეობით;
- 4.1.4. ხელი შეუწყოს შემსყიდველს ინსპექტირების განხორციელებისას;
- 4.1.5. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

4.2. შემსყიდველი ვალდებულია:

- 4.2.1. აუნაზღაუროს მიმწოდებელს ხელშეკრულების აღიარებული ხელშეკრულების პირობებში ასახულ ვადებში დაფორმით;
- 4.2.2. ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით ან ელექტრონული ფოსტის მეშვეობით;
- 4.2.3. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

5. საქონლის ხარისხი და გარანტია

5.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5.2 იმისათვის, რომ გარანტია გავრცელდეს შესყიდვის ობიექტზე, აუცილებელია მონტაჟი განხორციელდეს მიმწოდებლის მიერ. იმ შემთხვევაში თუ აკუმულატორის ავტომანქანაზე მონტაჟი განხორციელდება მიღება-ჩაბარების აქტის გაფორმებიდან 150 (ასორმოცდაათი) კალენდარული დღის განმავლობაში გარანტია უნდა გავრცელდეს მონტაჟიდან არანაკლებ 3 (სამი) წლის განმავლობაში. იმ შემთხვევაში თუ აკუმულატორის ავტომანქანაზე მონტაჟი განხორციელდება მიღება-ჩაბარების აქტის გაფორმებიდან 150 (ასორმოცდაათი) კალენდარული დღის შემდეგ - გარანტია უნდა გავრცელდეს მიღება-ჩაბარების აქტის გაფორმებიდან არანაკლებ 3 (სამი) წლის განმავლობაში. თუ შესყიდული (შემსყიდველთან დასაწყობებული) აკუმულატორის მონტაჟი არ განხორციელდება მიღება-ჩაბარების აქტის გაფორმებიდან 1 (ერთი) წლის განმავლობაში, მასზე გარანტია არ გავრცელდება. **(აღნიშნული პუნქტი არ ვრცელდება 5.3. პუნქტით განსაზღვრულ შემთხვევაში.)**

5.3 იმ შემთხვევაში თუ აკუმულატორის შესყიდვა/მონტაჟი განხორციელდება საპატრულო სახაზო მანქანისთვის, 1-34 პოზიციის ჩათვლით მოცემულ აკუმულატორებზე გარანტია არ გავრცელდება, ხოლო 35 პოზიციაზე მოცემული აკუმულატორის საპატრულო სახაზო მანქანისთვის შესყიდვა/მონტაჟის შემთხვევაში უნდა გავრცელდეს 2 (ორი) წლიანი გარანტია 5.2 პუნქტის შესაბამისად. **(აღნიშნული პუნქტი უნდა გაითვალისწინოს მხოლოდ შესაბამისმა შემსყიდველმა ორგანიზაციამ).**

5.4 „მიმწოდებელი“ იღებს ვალდებულებას საქონლის საგარანტიო პერიოდის განმავლობაში უზრუნველყოს გამოვლენილი ხარვეზის ან/და ნაკლის აღმოფხვრა აღნიშნულის თაობაზე შეტყობინების მიღებიდან არაუგვიანეს 3 (სამი) სამუშაო დღის ვადაში ან შეცვალოს ახალი შესყიდვის ობიექტით, - შემსყიდველის მხრიდან დამატებითი დანახარჯების გაწევის გარეშე.

5.5 საქონლის ქარხნული წუნის შემთხვევაში, მიმწოდებელი ვალდებულია, განახორციელოს წუნდებული საქონლის ახლით შეცვლა შემსყიდველის მიმართვიდან არაუგვიანეს 3 (სამი) სამუშაო დღის ვადაში. შეცვლა უნდა განხორციელდეს შემსყიდველის მიერ წუნდებული საქონლის მიმწოდებლის სერვის ცენტრში მიტანისას.

5.6 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5.7 ხარვეზ(ებ)ის გამოვლენის შემთხვევაში მიმწოდებელი შემსყიდველ ორგანიზაციას აძლევს გაფრთხილებას კონკრეტულ ხარვეზ(ებ)თან დაკავშირებით, რის გამოსასწორებლადაც შემსყიდველს ეძლევა 14 (თოთხმეტი) სამუშაო დღე. იმ შემთხვევაში თუ შემსყიდველმა მოცემულ ვადაში ვერ ან არ უზრუნველყო მიმწოდებლის მიერ დაფიქსირებული შენიშვნების გამოსწორება, მიმწოდებელი უფლებამოსილია კონკრეტულ აკუმულატორ(ებ)ზე შეწყვიტოს გარანტიის მოქმედება. ხარვეზებად განიხილება:

ა) ავტომანქანას აქვს გაუმართავი ელ. მოწყობილობები, რაც იწვევს დენის კარგვას ან ზედმეტი მუხტის მიწოდებას;

ბ) სახეზეა რემონტის მცდელობა;

გ) აკუმულატორი არ არის დამაგრებული საშტატო ბუდეში;

- დ) აკუმულატორს გააჩნია მექანიკური დაზიანება;
- ე) დაზიანებულია შტრიხ-კოდი, რომელიც გამოიყენება აკუმულატორის იდენტიფიცირებისათვის;
- ზ) აკუმულატორი შეუსაბამო საგარანტიო დოკუმენტთან, რომელიც კონტროლდება შტრიხ-კოდის მიხედვით (მითითებულია საგარანტიო დოკუმენტში);
- თ) დარღვეულია პერიოდული შემოწმებები.

5.8 შემსყიდველი ვალდებულია საგარანტიო პერიოდის განმავლობაში, მონტაჟიდან/შემოწმებიდან არაუადრეს 5 (ხუთი) და არაუგვიანეს 7 (შვიდი) თვისა თითოეული შესყიდვის ობიექტი გაატაროს საგარანტიო შემოწმებაზე მიმწოდებლის სერვის-ცენტრ(ებ)ში. იმ შემთხვევაში თუ შემსყიდველის მიერ ერთ ლოკაციაზე, ერთდროულად მობილიზებული იქნება არანაკლებ 5 (ხუთი) გარანტიაზე მყოფი ავტოსატრანსპორტო საშუალების აკუმულატორი, შემსყიდველის მოთხოვნის შემთხვევაში მიმწოდებელი ვალდებულია თავად ჩაატაროს საგარანტიო შემოწმება შემსყიდველის მიერ საქართველოს მასშტაბით მოთხოვნილ მისამართზე. საგარანტიო შემოწმებასთან დაკავშირებით, მიმწოდებელი ვალდებულია საგარანტიო შემოწმების ვადის ამოწურვამდე 2 (ორი) თვით, 1 (ერთი) თვით და 10 (ათი) კალენდარული დღით ადრე, მოკლე ტექსტური წერილის (SMS) საშუალებით შეატყობინოს ურთიერთშეთანხმების საფუძველზე განსაზღვრულ შემსყიდველი ორგანიზაციის თითოეულ საკონტაქტო პირს საგარანტიო შემოწმების ვადის დადგომის შესახებ.

6. ხელშეკრულების შესრულების კონტროლი

- 6.1. შემსყიდველი ორგანიზაციის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათი კონტრაქტით გათვალისწინებულ ტექნიკურ პირობებთან შესაბამისობაში.
- 6.2. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 6.3. შემსყიდველი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.
- 6.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის/ნაკლის აღმოფხვრა ან წუნდებული საქონლის შეცვლა. საქონლის ქარხნული წუნის შემთხვევაში, მიმწოდებელი ვალდებულია, განახორციელოს წუნდებული საქონლის ახლით შეცვლა შემსყიდველის მიმართვიდან არაუგვიანეს 3 (სამი) სამუშაო დღის ვადაში. შეცვლა უნდა განხორციელდეს შემსყიდველის მიერ წუნდებული საქონლის მიმწოდებლის სერვის ცენტრში მიტანისას.
- 6.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შემსყიდველი ორგანიზაციის თანამშრომლები. კერძოდ, შპს „ქ. ბათუმის რესპუბლიკური კლინიკური საავადმყოფო“-ს ტექნიკური უზრუნველყოფის განყოფილების გამგე, მუხრან თავართქილაძე და ტექნიკური უზრუნველყოფისა და ლოჯისტიკის სამსახურის მთავარი სპეციალისტი, მამუკა სხილაძე.

7. საქონლის მიწოდების პირობები, ადგილი და ვადები

- 7.1 შესყიდვის ობიექტის მიწოდების ვადა: ხელშეკრულების გაფორმებიდან 2019 წლის 10 დეკემბრის ჩათვლით - ეტაპობრივად, შემსყიდველის მოთხოვნისა და არაუგვიანეს 5 (ხუთი) სამუშაო დღის განმავლობაში. შემსყიდველის მიერ საქონლის მოთხოვნა უნდა განხორციელდეს ხელშეკრულების გაფორმების შემდეგ ელ. ფოსტის მეშვეობით (შემსყიდველის ელ. ფოსტის მისამართი: info.republican.hospital@gmail.com) მიმწოდებლის ელ. ფოსტის მისამართი: tender@tegetamotors.ge.
- 7.2 აკუმულატორების დემონტაჟი-მონტაჟი მიმწოდებელმა უნდა უზრუნველყოს რიგგარეშე სერვის-ცენტრებში შემდეგ მისამართებზე: **ქ. თბილისი:** ცენტრალური ფილიალი - დ. აღმაშენებლის ხეივანი მე-12 კმ. #5, **პეპელას ფილიალი** - კახეთის გზატკეცილი 63, **პეპელას ფილიალი N2** - კახეთის გზატკეცილი 15, **ვაკის ფილიალი** - უნივერსიტეტის ქ. N6, **ქ. ქუთაისი** - ნიკვას მე-9 ჩიხი N2ა, **ქ. ფოთი** - ლარნაკას N2, **ქ. ბათუმი** - აეროპორტის გზატკეცილი 263 ბ, **ქ. თელავი** - სოფელი ვარდისუბანი, **ქ. ახალციხე** - ახალი ხიდის აღმოსავლეთ მხარეს, მდ. ფოცხოვის მარცხენა სანაპირო, **ქ. გორი** - შინდისის გზატკეცილი N2, **ქ. ზუგდიდი** - სოფელი რუხი, **ქ. მარნეული** - 26 მაისის ქუჩა.

7.3 აკუმულატორების მიწოდების ადგილია: ქ. ბათუმი, ტბელ აბუსერიძის N2.

7.4 „მიმწოდებელი“ საკუთარი ხარჯებით უზრუნველყოფს საქონლის მიწოდებას თუ შემსყიდველის მოთხოვნის შესაბამისად მისაწოდებელი აკუმულატორების რაოდენობა ერთ ჯერზე მინიმუმ 5 (ხუთი) ერთეულია.

7.5 „მიმწოდებელი“ ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

7.6 მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

8. შესყიდვის ობიექტის მიღება-ჩაბარებისა და ანგარიშსწორების წესი

8.1. წინამდებარე ხელშეკრულებით გათვალისწინებული საქონლის გადაცემის დადასტურების მიზნით, საქონლის მიწოდებისას შემსყიდველსა და მიმწოდებელს შორის ფორმდება მიღება-ჩაბარების აქტი.

8.2. საქონელი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდგომ.

8.3. შემსყიდველის მხრიდან საქონლის მიღებასა და მიღება-ჩაბარების აქტის ხელმოწერაზე უფლებამოსილი პირია - შემსყიდველი ორგანიზაციის ტექნიკური უზრუნველყოფისა და ლოჯისტიკის სამსახურის მთავარი სპეციალისტი, მამუკა სხილაძე.

8.4. შემსყიდველი ორგანიზაცია ვალდებულია, ანგარიშსწორება განახორციელოს მიწოდებულ საქონელზე გაფორმებული მიღება-ჩაბარების აქტების გაფორმებიდან 10 (ათი) სამუშაო დღის ვადაში.

8.5. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

8.6. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი.

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) მოიცავს საქართველოს კანონმდებლობით დადგენილ ყველა გადასახადს.

9. ხელშეკრულების შესრულების უზრუნველყოფის გარანტიები

9.1. იმ შემთხვევაში თუ სახელშეკრულებო ღირებულება აღემატება 5000 (ხუთათასი) ლარს ხელშეკრულების შესრულების უზრუნველყოფის მიზნით მიმწოდებელი ვალდებულია ხელშეკრულების გაფორმებამდე წარმოადგინოს ხელშეკრულების შესრულების უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) გამოუთხოვადი საბანკო გარანტია, გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან/და სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიიდან, - ეროვნულ ვალუტაში. რომელიც წარმოადგენს ხელშეკრულების განუყოფელ ნაწილს. ხელშეკრულების უზრუნველყოფის საბანკო გარანტიის მოქმედების ვადა უნდა განისაზღვრებოდეს ხელშეკრულების გაფორმებიდან მინიმუმ 2023 წლის 15 ივნისის ჩათვლით. იმ შემთხვევაში თუ მიმწოდებლის საგარანტიო ვალდებულებები სრულად შესრულდება 2023 წლის 15 ივნისამდე, შემსყიდველი უფლებამოსილია მიმწოდებელს დაუბრუნოს ხელშეკრულების უზრუნველყოფის საბანკო გარანტია.

9.2 ხელშეკრულების უზრუნველყოფის უპირობო გამოუთხოვადი საბანკო გარანტიის ოდენობა განისაზღვრება ხელშეკრულების ჯამური ღირებულების 5% ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს მიმწოდებელს საბანკო გარანტია ან/და მასთან დაკავშირებული დოკუმენტაცია მოთხოვნიდან 14 (თოთხმეტი) დღის განმავლობაში.

9.4 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნიდან 14 (თოთხმეტი) დღის განმავლობაში დაუბრუნოს მას ხელშეკრულების შესრულების უზრუნველყოფის საბანკო გარანტია.

9.5 გარანტია უნდა იყოს უპირობო ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველივე მოთხოვნისთანავე.

9.6 პრეტენდენტის მიერ წარმოდგენილ ხელშეკრულების შესრულების უზრუნველყოფის გარანტიაში არ უნდა იყოს მითითებული, რომ გარანტია მცირდება შესრულების პროპორციულად.

10. ხელშეკრულების პირობების შეუსრულებლობა

10.1 მიმწოდებლის მიერ კანონმდებლობით, კონსოლიდირებული ტენდერითა და ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

10.2 სატენდერო კომისიის მიერ ხელშეკრულების შეწყვეტის შესახებ რეკომენდაციის გაცემის შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც, იმ შემთხვევაში თუ სახელშეკრულებო ღირებულება არ აღემატება 5000 (ხუთიათასი) ლარს, მიმწოდებელს დაეკისრება შემსყიდველი ორგანიზაციისასარგებლოდსაჯარიმოთანხვის გადახდა კონკრეტული ხელშეკრულებისჯამური ღირებულების 5%-ის ოდენობით, ხოლო იმ შემთხვევაში თუ სახელშეკრულებო ღირებულება აღემატება 5000 (ხუთიათასი) ლარს, მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად.

10.3 ხელშეკრულებით ნაკისრი ვალდებულებების შესრულების ვადის, მათ შორის საქონლის მიწოდების, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილების შემთხვევაში შემსყიდველი უფლებამოსილია მიმწოდებელს დააკისროს პირგასამტეხლოს გადახდა ყოველ ვადაგადაცილებულ დღეზე მისაწოდებელი საქონლის ღირებულების 0,2%-ის ოდენობით, მაგრამ არანაკლებ დღეში 50 (ორმოცდაათი) ლარისა.

10.4 ანგარიშსწორების ვადის დარღვევის შემთხვევაში, მიმწოდებელი უფლებამოსილია მოსთხოვოს შემსყიდველ ორგანიზაციას გადაიხადოს პირგასამტეხლო ყოველ ვადაგადაცილებულ დღეზე გადაუხდელი თანხის 0,2 პროცენტის ოდენობით.

10.5 შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

- ა) მიმწოდებლის გაკოტრების შემთხვევაში;
- ბ) საქართველოს კანონმდებლობით გათვალისწინებულ სხვა შემთხვევებში;

10.6 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2023 წლის 15 ივნისის ჩათვლით.

12. ხელშეკრულების პირობების გადასინჯვის შესაძლებლობა

თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 10 (ათი) დღით ადრე წერილობით შეატყობინოს მეორე მხარეს შესაბამისი ინფორმაცია.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს- მაჟორული გარემოებების ზეგავლენისაგან.

14. სადაო საკითხების გადაწყვეტა

ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა

დავა უნდა გადაიჭრას ურთიერთმოლაპარაკების გზით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.სხვა პირობები

15.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3 ხელშეკრულება შედგენილია ქართულ ენაზე, 2 ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

15.4 ამხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.5 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

15.6 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

15.7 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს/შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16. მხარეთა იურიდიული მისამართები და რეკვიზიტები

„შემსყიდველი“:

შპს „ქ. ბათუმის რესპუბლიკური კლინიკური საავადმყოფო“

მის.: ქ. ბათუმი, ტბელ აბუსერიძის N2

ელ.მის: info.republican.hospital@gmail.com

ტელ: (0422) 276807; 577 30 28 68

ს/კ: 245428880

სს „ვითიბი ბანკი ჯორჯია“

ბანკის კოდი: UGEBGE22

ა/ა GE53VT550000000183408

„მიწოდებელი“:

შპს „თეგეტა მოტორსი“

მის.: თბილისი, დ. აღმაშენებლის ხეივანი
მე-12კმ №5

ელ. მის: tender@tegetamotors.ge

ტელ: 226 44 44

ს/კ: 202177205

სს „თიბისი ბანკი“

ბანკის კოდი: TBCBGE22

ა/ა GE80TB0600000024467853

დირექტორი

/მაღზაზ ხალვაში/

გენერალური დირექტორი

/ავთანდილ წერეთელი/

დანართი N1

წინამდებარე დანართი გამოიყენება მხოლოდ ჩვენს მიერ 2019 წლის 24 ივლისს დადებულ ხელშეკრულებასთან (სარეგისტრაციო N181) ერთად.

შესყიდვის ობიექტის დასახელება	ტექნიკური მახასიათებლები	რაოდ.	აკუმულატორის ბრენდი	აკუმულატორის მოდელი	ბრენდის წარმოშობის ქვეყანა	ერთეულის ფასი	ჯამური ფასი
სატრანსპორტო საშუალებების აკუმულატორი	დახშული, არამომსახურებადი; ვოლტაჟი: 12 V; მოცულობა: 75Ah; სასტარტერო ძალა (CCA): 620A; სიგრძე/სიგანე/სიმაღლე :260x170x225; პოლარობა: ჩვეულებრივი (0); ტერმინალის ტიპი: ევროპული (EUR); Lead Calcium Technology	1	Macpower	SMF80D26L	თურქეთი	152	152
							(ასორმაც დათორმეტი ლარი)

„შემსყიდველი“
 შპს“ ქ. ბათუმის რესპუბლიკური კლინიკური საავადმყოფო“
 ს/კ: 245428880

დირექტორი
 მალხაზ ხალვაში

„მიმწოდებელი“
 შპს თეგეტა მოტორსი
 ს/კ: 202177205

გენერალური დირექტორი
 ავთანდილ წერეთელი